

般泥洹後灌臘經

羊

西晉月氏國三藏等法護譯

聞如是一時佛在舍衛國祇樹給孤獨園與摩訶比丘僧諸天人人民共會坐說經阿難前長跪叉手白佛言天中之天欲有所問願佛說之若佛般泥洹後四輩弟子比丘比丘尼優婆塞優婆夷四月八日七月十五日灌臘當何所用佛語阿難灌臘佛者是福願人之度者各自減錢寶割取珍愛用求度世之福當給寺然燈燒香用作經像若供養師施與貧窮可設齋會不可貴許然後不出此為現世負佛自是心口所作當得妄語之罪所以者何為佛投繯作札以五種香水手自浴佛師建觀呪願當此之時天龍鬼神皆明證知此人出五家財物侵妻子分用求福利而反不出當有五罪入三惡道何等為五一者財物日減二者意志遺三者治生所向無利四者入太山地獄中被考治苦痛難言五者後世來生或作奴婢牛

馬騾驢駝或作猪羊是為五更罪三惡一者為入辟荔中作餓鬼二者入禽獸作畜生三者泥犁中當更十八地獄罪不可數七月十五日自向七世父母五種親屬有墮惡道勤苦劇者因佛作札福欲令解脫憂苦名為灌臘佛者天上天下三界之王不應獨取是為大罪若無僧可分施貧窮孤獨羸老是種善根諸弟子聞經歡喜為佛作札而去

般泥洹後灌臘經

辛丑歲高麗國大藏都監奉
勅雕造

般泥洹後灌臘經

校勘記

- 一 底本，麗藏本。
- 一 二一頁上二行譯者，[石]作「西晉月氏三藏」；[資]、[磧]作「西晉三藏」；[晉]、[南]、[清]作「西晉三藏法師」。
- 一 二一頁上一四行首字「負」，[石]作「貫」。
- 一 二一頁上一五行第七字「投」，[南]、[清]作「設」。
- 一 二一頁上二一行第一二字「考」，[石]、[資]、[晉]作「拷」。
- 一 二一頁中一行末字「罪」，[資]、[磧]、[晉]、[南]、[清]作「羅」。